



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXIV. Reinhold und sein Sohn Joachim von Greifenberg verkaufen dem
Kloster Marienpforte das Dorf Claushagen, am 9. September 1382.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

LXXIV. Reinbold und sein Sohn Joachim von Greifenberg verkaufen dem Kloster Marienpforte das Dorf Clausshagen, am 9. September 1382.

Wy reynbolt van Gryfenberg vnd ioachym van Gryfenberghe, reynboldes sone, bekennen vnd betughen in vnsem open breue vor allen cristen lude, de en sen edder horen lesen vnd wyllen, dat dat wytlek si, dat wy myt vol bedachten moden, vnd myt rade vnser vrunt hebben vorkopt den gestleken Juncvrowen des closters thu Boyzenborch, vrowe katerina scadebak, ebbedisse, vrowe katerina dochowes, des closters priorisse vnd hern arnd, dem proste vnd deme menen convente des vorbonumeden closters, de nu syn vnd na komende synt, tho ewygher tyt dat dorph tho clausshagen, dat dar lecht by Boyzenborch, met aller tho Behoringhe vnd vryheyt, met pachte, met tynze, met bede, met thegeden, met manscap, met wagen-dynste vnd met allen denste, met ouersten richte vnd met nedersten richte, met rochuneren vnd Scnydeslynghe, met ackere ghewunnen vnd vngewunnen, met holte, busche, met wesen, met weyden, met weggen, met steggen, met vatern, met aller pleghe vnd thobehorunge, also dat dorp thu clausshagen licht in siner scheidunghe, vnd met aller rechticheit, also wy dat bezeten hebben vente in desse tyt, vnd also dat vns vnd vnser eruen vse here de markgreue van Brandenburg vorlegen hebben. Vor dyt vorbenumede dorp vnd gut hebben vns desse vorfereven Juncvrowen vnd ere proft vorwisset vol tho nughe twe hondert mark Brandenborches sulwers vnd verteyne mark Brandenborch suluers vnd ghewictz, vnd laten vor vns vnd vor vnse eruen vnd vor al de ghene, de na vns komen moghen, de vnse rechten erfnamen syn, vnd wy Reynbolth van grifenberghe vnd ioachim van grifenberghe, reynboldes sone, sakewoldeghe vnd vnse eruen vnd Bertram van grifenberghe, reynboldes broder, Juncman vnd claus, broder, gheheyten van gryfenberghe, merten vnd godeke van grifenberghe, frize van tornowe vnd hans dunker, ditterich Wostrow, Bertram van Vychmanstorph svar medelouere, louen den vornumeden gestleken Juncvrowen des klosters, de tho Buzenborch, de nu syn vnd nakomen syn, vnd erme proste, dat dorp thu Clauweshagen tho vorlaten vnse herren den marchgreuen tho Brandenburg, dar dat af thu lene gheyt, vnd louen eyne latinghe vnd eyne waringhe vor alledegene, de vor recht komen wyllen, alze en lantrecht is, vnd willen en des were syn tho aller thyd, alze vns van rechte behoret, vnd wy Reynibolt, ioachym, Bertram, Juncman, claus, merten vnd godeke, gheheyten van gryfenberghe vorbenumet, frize van tornow, hans dunker, Ditterich Wustrow, Bertram van Wychmanstorp, louen en truuen met eyner samenden hant, alle desse vorbescreven dynk vnd stucce vorbenumenden Juncvrowen vnd erin prouft, vnd hinrich Musheym, ludeke van ellinghe, haffe van Blankenborgh, Bertram hafe, tideke sparrenwolde, hoppe, zabel vnd richbrech, veddern, gheheyten van holzendorpe, heydenrik van Benze, hern Benedict sone, vnd ebel van arnem, des godeshuses vrunden, stede vnd vast tho holdende, sunder ienigherleyghe arghelyft. Des tho tughe vnd tho hoger Bewaringhe so hebbe wy sakeweldeggen, vnd my ware medelouere vorbenumet, vnser Inghezeghele myt guder wytschap hanghen laten In dessen brif, de geuen vnd ghescreuen is tho grifenberghe nacht godes Bort drutteyn hondert jar in twe vnd achtstighen iare, des ander daghes na vnser lyven wrowen daghe, so si gheboren warth.